



II. ATALA
BIZKAIKO LURRALDE HISTORIKOKO TOKI ADMINISTRAZIOA

Erandioko Udala

2024rako gizarte larrialdietarako laguntzak izapidetu eta emateko irizpideak onartzea.

Erandioko Udalean 2024rako Gizarte Larrialdietarako laguntzak izapidetu eta emateko irizpideak onartzea. 0809/2024 zenbakidun Alkatetza Dekretuan daude jasota irizpide horiek.

Erandion, 2024ko apirilaren 26an.— Alkatea, Aitziber Oliban Gutiérrez

**0809/2024 DEKRETUA***Aurrekariak*

Lehena: 14/2022 Legea, abenduaren 22koa, Inklusiorako eta Diru-sarrerak Bermatzeko Euskal Sistemarena.

Bigarrena: 2024ko martxoaren 27ko Agindua, Jaurlaritzako bigarren lehendakariorde eta Lan eta Enpleguko sailburuarena eta Berdintasun, Justizia eta Gizarte Politiketako sailburuarena, zeinaren bidez ezartzen baitira gizarte-larrialdietarako laguntzetan aurreikusitako berariazko gastu bakoitzeko 2024. urtean gehienez emango diren diru-kopuruak, zehazten baitira laguntza horietako ezarritako kredituak banatzeko irizpideak, eta finkatzen baita Euskal Autonomia Erkidegoko lurralde historiko eta udal bakoitzari 2024. urterako dagokion aurrekontu-muga finkatu da.

Hirugarrena: 4/2011 Dekretua, urtarrilaren 18koa, Gizarte Larrialdiko Laguntzei buruzkoa, urtarrilaren 17ko 16/2017 Dekretuaren bidez aldatua, hau da, Gizarte Larrialdiko Laguntzen Dekretua aldatzen duenaren bidez.

HONAKO HAU XEDATU DUT:

Lehena: Erandioko Udalean 2024ko Gizarte Larrialdietarako Laguntzak izapidetu eta emateko irizpideak onartzea. Honako ebazpenean islatzen dira irizpide horiek:

Laguntzaren zenbatekoa

Gizarte Larrialdiko Laguntzei dagokionez (GLL), Gizarte Zerbitzuek jakinarazi dute 2024ko ekitaldirako Eusko Jaurlaritzak Erandioko Udalari esleitutako aurrekontua 561.451,23 eurokoa dela.

2024 urterako Gizarte Larrialdiko Laguntzen finantzazioa 33-2313-48001 partidaren kargura egingo da, eta partida horretako kreditua agortu arte eman ahal izango dira laguntzak. Hala ere, urtean zehar hori handitzeko aukera egon daiteke.

Orokorrean, ezarri da Gizarte Larrialdietarako Laguntza gisa emandako laguntza guztiengatik ezin izango dela urteko 3.000 euroko kopurua gainditu (familia-unitateko).

Diruz lagundu daitezkeen gastuak eta eman daitezkeen gehieneko zenbatekoak: 1. eranskina

Abenduaren 22ko 14/2022 Legearen 138. artikulua 2. atalean aurreikusitakoarekin bat etorritik, gure autonomia erkidegoko udalei dagokie gizarte-larrialdietarako laguntzak instruitzea, aitortzea eta ordaintzea, zigortzeko ahalmena erabiltzea, bai eta GLLen onuradunen jarraipena egitea ere; horretarako, aldeztu aurretik jakin beharko dute zein den urteko muga, betiere aurrekontu-ekitaldi bakoitzerako berariaz ezarritako guztizko aurrekontu-izendapenen barruan.

Bestalde, abenduaren 22ko 14/2022 Legearen 57. artikulua GLL gisa emandako prestazioen zenbatekoak finkatzeko kontuan hartu beharko diren irizpideak zehazten ditu. Zehazki, 1. paragrafoan jasota dago inola ere gainditu ezin izango den muge-tako bat. Muga hori osatzen dute aurreikusitako gastu espezifiko bakoitzerako eta modu orokorrean araudi bidez ezartzen diren gehieneko zenbatekoak.

Eskabideak egiteko epeak

Eskabideak aurkezteko epea: 2024ko apirilaren 2tik urriaren 18ra arte.

Eskabideak aurkeztea:

- Altzaga edo Astrabuduko HAZ bulegoak.
- Telematikoki, Udalaren webgunearen bidez.

Espedientearen ebazpena Alkatetza Dekretu bidez egingo da.

**Gizarte larrialdiko laguntzak (GLL) justifikatzea**

Iraungi edo preskribatu ez diren aurreko urteetako GLLak justifikatuta egon behar dira.

Justifikazioa egiteko, dokumentazioa bidali behar da, honako bideetatik:

- Altzaga edo Astrabuduako HAZ bulegoak.
- Telematikoki, Udalaren webgunearen bidez.

Kontsultak egiteko, hitzordua eskatu daiteke telefonoz: 944890233 / 944890270.

Justifikazioa egiteko epea laguntza emateari buruzko dekretuan adierazitakoa da.

Emandako gainerako gastuen justifikazioa egiteko, gastua egin izana eta ordaindu izana egiaztatzen duten fakturak aurkeztu beharko dira.

Aurkeztutako fakturen ezaugarriak:

- Izendunak. Ez dira kontuan izango ez badaude laguntza eskatzailearen edo BUKO beste kideren baten izenean.
- GLL eman den urtekoak.
- Jatorrizkoak.

Gutxieneko informazioa:

- Egin den data.
- Egin duenaren izen-abizenak, izen soziala, IFZ eta helbide soziala.
- Emandako ondasun edo zerbitzuen identifikazioa.
- Zerga-tasa, eta, aukeran, «BEZ barne» adierazpena ere.

Laguntzen zati bat edo osoa ez justifikatzekotan, zigor-prozedura abiatu ahal izango da, eta baliteke horren ondorioz etorkizunean ere laguntzak ukatzea (GLL edota udal laguntza bereziak) eta justifikatu gabeko zenbatekoak itzultzeko prozedura bat abiatu daiteke; kasu horretan, adieraziko da derrigorrezkoa dela justifikatzea, bestela, prestazioa itzuli beharko dela.

Udalak eskumena izango du aurkeztutako fakturen egiazkotasuna konprobatzeko. Horretarako, beharrezko informazioa bilduko du, indarreko araudian ezarritakoaren arabera. Konprobatzeko eskumen hori gauzatzean ikusiko balitz fakturak irregularrak direla, laguntza ez justifikatutzat joko da, eta araudian jasotako ondorioak izango ditu; beste batzuen artean, itzulketa.

Bigarrena: Deialdi honi behar besteko hedapena emateko, Bizkaiko Aldizkari Ofizialean, Udalaren web orrian eta iragarki-taulan argitaratu beharko da.

Hirugarrena: Ebazpen hau ondokoei jakinaraztea bidezko diren ondorioak izan ditzan: Ogasun Sailari eta Gizarte Ekintza eta Garapenerako Lankidetzako sailari. Era berean, Idazkaritza Sailari jakinaraziko zaio, kontu hartu eta Alkateak zein korporazioko kide eskuordetuak emandako Ebazpenen Liburuan jasota gera dadin.



1. ERANSKINA
2024KO ZENBATEKOAK

A) Alokairua, baterako alokairua, berralokairua, ostatua

GLL kontzeptua	Zenbateko minorizatua (€/hileko)	Urteko gehieneko zenbatekoa (€)	Udal portzentajea (%)
Alokairua	BU 1 (errentaria): 250	BU: 3.000	83,33
	2 BU (baterako alok./berralok.): 150		
	2 BU (ostatu./apopil.): 150	2 BU: 1.800	100
	Hotelak, ostatuak: 250		

B) Interes eta kreditu-amortizazioen ondoriozko gastuak

GLL kontzeptua	Zenbateko minorizatua (€/hileko)	Urteko gehieneko zenbatekoa (€)	Udal portzentajea (%)
interesak eta amortizazioak	250	3.000	83,33

C) Energia-gastuak

GLL kontzeptua	Zenbateko minorizatua (€/hileko)	Urteko gehieneko zenbatekoa (€)	Udal portzentajea (%)
Energia	BU 1 Energia (argia eta gasa): 125	1.500	100
	2 BU Energia (argia eta gasa): 62,5	750	

D) Bestelako mantentze-gastuak

GLL kontzeptua	Zenbateko minorizatua (€/hileko)	Urteko gehieneko zenbatekoa (€)	Udal portzentajea (%)
Mantentze arloko beste gastu batzuk	BU 1 (Ura, zarama, estolderia, OHZ, komunitatea eta etxeko aseguruak): 75	900	100
	2 BU (Ura, zarama, estolderia, OHZ, komunitatea eta etxeko aseguruak): 37,5	450	

E) Altzariak eta etxeko tresna elektrikoak

GLL kontzeptua	Zenbateko minorizatua	Urteko gehieneko zenbatekoa (€)	Udal portzentajea (%)
Aldizkariak eta etxeko tresna elektrikoak	BU 1	1.250	67,57
	2 BU	625	



F) Konponketa eta instalazio gastuak

GLL kontzeptua	Zenbateko minorizatua	Urteko gehieneko zenbatekoa (€)	Udal portzentajea (%)
Konponketak eta Instalazioak	BU 1	1.250	67,57
	2 BU	625	

G) Oinarrizko beharrianak

GLL kontzeptua	Zenbateko minorizatua	Urteko gehieneko zenbatekoa (€)	Udal portzentajea (%)
Oinarrizko beharrianak (bateragarria DBE + EPO)	Sistema publikoek betetzen ez duten osasun-arreta, hezkuntza, prestakuntza eta arropa	1.850	74

H) Zorpetzea

GLL kontzeptua	Zenbateko minorizatua (€/hileko)	Urteko gehieneko zenbatekoa (€)	Udal portzentajea (%)
Zorpetzea	BU 1: 3.000	Dagokion kontzeptuaren irizpideak jarraitzea	100
	2 BU: 1.500		

I) Etxebizitza berri bat jartzearen inguruko gastuak

GLL kontzeptua	Zenbateko minorizatua	Urteko gehieneko zenbatekoa (€)	Udal portzentajea (%)
Etxebizitza berri batean jartzea	BU 1	1.800	100
	Fidantza, horniduren alta ematea, egokitza-pena eta bestelakoak		
	2 BU	900	